


## Tafsiira Suuratu Yuusuf-Kutaa 17

### Description

#### Obboleeyyan Yuusuf Dhufuu

Bara dheeraa dura obboleeyyan Yuusufin eelatti darbuun abbaa isaa irraa fageessan kunoo rakkoon isaan dirqisiisuun gara Yuusufi dhufan. Kunoo Yuusuf osoo barbaade carraa isaan irraa gadoo baafachu argatee jira. Garuu inni muhsiiniin (warra tola oolanii fi hojii bareechisan) keessaa tokko waan taâ€™Meef gadoo baafachuuf hin carraaqne. Kana irra, nama hunda caalaa isaan keessumeesse. Kuni gaarummaa akkami! Nama qileetti si darbe baroota dheeraa booda yommuu sitti dhufu maaltu sitti dhagahamaa? AllahuAkbar! Rabbiin amala Yuusufin badhaase kana nullee haa badhaasu. Aamiin Allaahummaa aamiin. Mee gara seenaa ajaa’iba kanatti haa dabarru:



Obboleeyyan Yuusuf dhufanii isatti seenan. Isaan kan isa hin beekne ta’anii osoo jiranu inni isaan beeke. Suuratu Yuusuf 12:58

Yuusuf erga aangoo qabatee booda, sirna bulchiinsaa jabaan ijaare. Waggaa torbaa lafti oomisha itti kennitu keessatti namoonni jabaatanii akka hojjatanii fi oomisha argame akka kuusan taasise. Waggaa torba itti oomishan erga darbee booda waggoonni torba hoonge ni dhufan. Waggoota kana keessatti hoongen biyya Ijpt irra darbee biyyoota ollaa kan akka Filisxeem ni dhaqqabe. Kanaafi, obboleeyyan Yuusuf midhaan nyaata bitachuuf Filisxeem irraa ka’uun gara Ijpt dhufan.

Isatti seenan Yuusuf ministeera diinadge waan ta’ameef namoonni hundi qajeelon isa waliin hin daldaalan, garuu obboleeyyan isaa biyya alaa irraa waan dhufaniif aangoo ola’amaanaa irraa mirkaneefannaa argachuun isaan irraa eeggama. Akkasumas, maatiin isaanii baay’amee waan ta’aniif nyaata baay’amee isaan barbaachisa. Kanaafu, Ijptiin erga gahanii, bakka Yuusuf jiruutti qajeeluun isatti seenan.

Isaan kan isa hin beekne ta’anii osoo jiranu inni isaan beeke. Kana jechuun yommuu isaan isatti seenan, Yuusuf yoosu isaan beeke. Garuu isaan isa hin beekne. Isaan obboleeyyan isaa gurguddoo ta’anii osoo jiranu akkamitti inni isaan hin beeknee? Uffannaan isaanii uffanna ummata isaatiin walfakkaata. Lugaa isaa dubbatu. Garuu obboleeyyan isaa kunniin kuni Yuusufin akka ta’ame quba hin qaban. Yeroon dhumaa isaan isa argan mucaa waggaa torbaa ta’amee osoo jiruuti. Amma kunoo namticha guutuu ta’ame. Obboleessi xiqqaan isaan eelatti darban suni lubbuun jiraachu qofaa miti Ijpt keessatti nama aangoo ola’amaanaa qabu ta’ama jedhanii akkamitti yaaduu danda’uu?

Akka hayyoonni jedhanitti, yommuu Yuusuf isaan beeku, gaafi isaan gaafachuu jalqabe, â€œIsin eenyu? Maaliif gara biyya keenyaa dhuftanii?â€ Isaanis akkana jechuun isatti himan, â€œNutu garee namootaa Filisxeem keessa jiraatudha. Hundi keenyaa obboleeyyani, abbaa umriin isaa sadarkaa jaarsummaa irra gahe qabna.â€ Innis ni jedhe, â€œIsiniin ala ijoollee biraa qabaa?â€ Isaaniis â€œEeyyen nuti ijoollee kudha lama. Mucaan xiqqaan deeme bade. Mucaan kuni nu caalaa abbaa keenya biratti jaallatamaa ture. Obboleessi isaa kan garaan tokko taâ€™TMan nu duubatti hafe. Abbaan keenya nurraa ni hanbise (Nu waliin dhufuu irraa ni dhoowwe).â€ Hanga waaâ€™TMee maatii yeroo dheeraaf addaan bahanii ilaalchisee oduu gahaa argatutti Yuusuf gaafi gaafachuu itti fufe.

﴿وَلَمَّا جَهَّزَهُم بِجَهَّازِهِمْ قَالَ أَتُّونِي بِأَخٍ لَّكُم مِّنْ أَبِيكُمْ أَلَا تَرَوْنَ أَنِّي أُوْفِي الْكَيْلَ وَأَنَا خَيْرُ الْمُنْزِلِينَ ﴿٥٩﴾ فَإِن لَّمْ تَأْتُونِي بِهِ فَلَا كَيْلَ لَّكُمْ عِنْدِي وَلَا تَقْرَبُونِ ﴿٦٠﴾﴾

â€œYommuu meeshaa isaanii isaaniif qopheesse, ni jedhe, â€œObboleessa keessan abbaa keessan irraa natti fidaa. Sila ani safara akka guatee fi [namoota hunda] caalaa kan nama keessumeessu taâ€™TMuu hin argitanii? Yoo isa hin fidin, safarrin na bira isiniif hin jiru, nattis hin dhiyaattan.â€ Suuratu Yuusuf 12:59-60

Yuusuf obboleeyyan isaa kanniin haala gaariin ni keessumeesse. Yommuu yeroon isaan gara biyya ofiitti deebiâ€™TMan gahu, midhaan ni safareef, meeshaa isaanii ni qopheesseef. Ergasii akkana isaaniiin jedhe, â€œWanti isin jettan dhugaa taâ€™TMuu isaa akka beekuuf obboleessan keessan san abbaa keessan irraa naaf fidaa.â€

Obboleessi isaanii inni baanu (jedhu) kuni Binaayimin. Binaayimin obboleessuma Yuusufi. Haadha takkatu isaan lamaan daye. Yeroo itti aanutti obboleessa kana akka fidan akkana jechuun isaan kajeelchise: â€œSila hin argitanii, osoo homaa hin hirâ€™TMisin midhaan guatee isiniif safare, haala hundarra gaarii taâ€™TMeen isin keessumeesse.â€

Kajeelchisuun qofti buâ€™TMaa buusu waan hin dandeenyeef akkana jechuun isaan sodaachisee: â€œYoo isa hin fidin, safarrin na bira isiniif hin jiru, nattis hin dhiyaattan.â€ Kana jechuun yoo isin obboleessa abbaa keessan biratti hafe san hin fidin, na biraa midhaan isiniif safaramu hin argattan, gara kiyiyattis hin kalooftan.

﴿قَالُوا سُرُودٌ عَنْهُ أَبَاهُ وَإِنَّا لَفَاعِلُونَ ﴿٦١﴾﴾

Isaanis ni jedhan, â€œIsa ilaalchisee abbaa isaa ni sossobna. Dhugumatti nuti raawwattoota.â€ Suuratu Yuusuf 12:61

Kana jechuun obboleeyyanis ni jedhan: “Akka nu waliin isa erguuf abbaa isaa amansiisuuf ni carraaqna. Dhugumatti nuti kana ni hojjanna.”

وَقَالَ لِفَتْنِهِ اجْعَلُوا بَعْضُهُمْ فِي رِحَالِهِمْ لَعَلَّهُمْ يَعْرِفُونَهَا إِذَا  
أَنْقَلَبُوا إِلَىٰ أَهْلِهِمْ لَعَلَّهُمْ يَرْجِعُونَ ﴿٦٢﴾

[Yuusuf] Tajaajiltoota isaatiin ni jedhe, “Miâ daldalaa isaanii feâ isaanii keessa godhaaf, tarii yommuu gara maatii isaanii deebiân isa ni beeku, tarii lamu ni deebiân.” Suuratu Yuusuf 12:62

Yeroo sanitti daldalli miâ (meeshaa) wal jijjiruun adeemsifama. Fakkeenyaaf, warqii ykn meeta midhaaniin ykn nyaataan jijjiruu. Obboleeyyan Yuusuf wanta midhaaniin ittiin jijjiran fidanii dhufan. Yuusuf miâ daldalaa isaan fidan midhaan waliin akka feân dargaggoota isa tajaajilanitti hime. Kaayyoon miâ daldalaa deebisu duuba jiru, “tarii yommuu gara maatii isaanii deebiân isa (miâ daldalaa) ni beeku, tarii lamu ni deebiân.” [1]

Namni tokko, “Sababa maaliitiif Yuusuf miâ daldalaa obboleeyyan isaa feâ isaanii keessa akka kaaân tajaajiltoota isaa ajajee? yoo jedhe, kuni karaa adda addaatiin ibsamuu dandaâ: **1ffaa**-Barri bara hoonge waan taâ eef abbaa isaa Yaâ quubin bira wanta ittiin daldalan hin qaban jedhe sodaate. Kanaafu, kana isaan irraa fudhachuun isaan miidha. Yuusufis obboleeyyan isaa gara isaatti akka deebiân ni barbaade.

**2ffaa**-abbaa fi obboleeyyan isaatti tola oolu barbaade. Kanaafu, sababa isaan hin beekneen miâ daldalaa isaaniif deebise.

**3ffaa**-waadaa isaanii akka eeganiif-miyini daldalaa kuni isaaniif deebiân yommuu argan, fudhachuun isaanitti ulfaata. Kanaafu abbichaaf deebisuuf ni dirqamu. Yeroo kanatti, waadaa “abbaa keenya sossobne obboleessa hafe ni finnaâ jedhu ni eegu.” [2]

## Guduunfaa

•Asirraa gaarummaa fi tola ooltummaa Yuusuf ni baranna. Obboleeyyan isaa waggaa dheeraa dura eelatti isa darbuun miidhaa guddaa isarraan gahan. Garuu inni kana hunda cinaatti dhiisun tola isaanitti oole, haala gaariin isaan keessumesse. Miâ daldalaa isaan fidan isaaniif deebisuun midhaan tola isaaniif kenne. Kanaafu, nutis hanga dandeenyuun obboleeyyan keenyatti tola ooluf carraaqu qabna. Obboleeyyanitti tola oolun hariiroo firummaas jabeessa, sadaqaas taâ.

•Yommuu wayitti ajajan kajeelchisuu fi akeekachiisun baayâ eef barbaachisaadha. Yuusuf tooftaa kanatti fayyadamuun obboleeyyan isaa Biniyaamin akka fidan ajaje.

[1] Lesson From Suurah Yuusuf-104-107

[2] Tafsiir Xabarii-13/228-229

## Date Created

January 23, 2022

**Author**  
admin